

2. Եզանյաճ

ԺԱՄԱՆԱԿԱԿԻՑ ԻՐԱՆԻ ԱԳՐԱՐԱՅԻՆ ՀԱՐԱԲԵՐՈՒԹՅՈՒՆՆԵՐԻ ՄԻ ՔԱՆԻ ՀԱՐՑԵՐԻ ԱԱՍԻՆ

Իրանը աղբյուրային երկիր է, որտեղ գերիշխում են ֆեոդալ-կալվա-
ծատիրական հարաբերությունները: Իրանի արդյունաբերությունը, գլխա-
վորապես թեթև արդյունաբերությունը, սկսեց զարգանալ միայն վերջերս՝
30-ական թվականներից հետո:

Երկրի տնտեսական զարգացման հետաճանալիության հիմնական պատ-
ճառները հանդիսանում են՝ ֆեոդալ-կալվածատիրական միջնադարյան
հարաբերությունների առկայությունը, նրա հարկային սիստեմը, օտար-
երկրյա իմպերիալիզմի քայքայիչ դերը, դրանցից բխող պետական ապա-
րատի նեխվածությունը և այլն: Իրանի բնակչության գերակշռող մեծա-
մասնությունը կաղմոգ գյուղացիությունը, իր վրա կրելով կալվածատերե-
րին տրվող ունեցույթի, ամբողջ պետական հարկերի ծանր բեռը, որը, ինչ-
պես կտեսնենք, կաղմում է նրա արտադրանքի ավելի քան 80 տոկոսը և
այլ տնտեսական ու արտատնտեսական պարտավորություններ, չունի ոչ
նյութական հնարավորություններ և ոչ էլ սոցիալ-իրավական պայմաններ
երկրի տնտեսությունը զարգացնելու համար:

Ներկայումս Իրանի ամբողջ տերիտորիայի համեմատաբար չնչին տա-
րածություն է պիտանի մշակման համար: Երկրի ամբողջ տերիտորիայի
միայն մեկ քառորդ կամ մեկ երրորդ մասն է մշակման ենթակա, որից
մոտավորապես 15 միլիոն հեկտարը անտառներ և թփուտներ են: Իրանի
գյուղատնտեսական միևնույն տնտեսության տվյալների համաձայն ամբողջ երկ-
րում «թանաքագ» և «այեշբանդի» հողերը, այսինքն՝ հարուս և ժամանա-
կավորապես չցանվող հողերը կաղմում են 11 300 000 հեկտար, ցանվում
են միայն 3 700 000: Ըստ այդ տվյալների ներկայումս ցանքսերի, գյու-
ղատնտեսական նշանակություն ունեցող անտառների, հարուս, չօգտագործ-
վող, բայց պիտանի հողերի ամբողջ տարածությունը կաղմում է 18,5 մի-
լիոն հեկտար, այսինքն երկրի ամբողջ տերիտորիայի 11 տոկոսը:

1 Վերոհիշյալ տվյալները համեմատաբար ավելի ստույգ են թվում: Իրանական աղ-
բյուրները հակասական են և երբեմն չափազանցված: Օրինակ, Իրանի բանակի գլխավոր
շտաբի հրատարակած «Իրանի ուղեցույց» դրվում (1952 թ. نشریه دائره
اهتمای ایران نشریه دائره
جغرافیائی. سناد ارش
10 միլիոն հեկտար (էջ 104), որից ամեն տարի 5 միլիոն հեկտարը ցանվում է, իսկ 5
միլիոն հեկտարը հանգիստ վիճակում է թողնվում: Արտավայրերի տարածությունը 20
միլիոն հեկտար է, իսկ անտառներինը՝ 18—20 միլ. հեկտար: Մինչդեռ «Իրանի գյուղացի-
ներին օգնող» պրոգրեսիվ կազմակերպության տվյալների համաձայն, երկրի ամբողջ տե-
րիտորիայի 11,5 տոկոսը ցանվում է, 17 տոկոսը անտառային, իսկ 20,17 տոկոսը ցանքսի
համար պիտանի, բայց այժմ ամայի հողերն են կաղմում (1952, գեկտ. 26 «هجر»
«բաթեր»):

Չնայած, որ տվյալները բազմազան են և տարբեր, բայց մի փաստ կասկածից վեր է, այն, որ հողի նկատմամբ կալվածատիրական սեփականությունը և գյուղատնտեսություն մեջ խիստ ֆեոդալա-կալվածատիրական հարաբերությունները երկրի պոտենցիալ հարստությունների օգտագործումը նվազագույն չափից այն կողմ չեն տանում: Վերցնենք թեկուզ միայն Խուզիստանի նահանգի հնարավորությունները:

1946 թվականի մայիսին Բրանի գյուղատնտեսություն միջին տար Ամիր Ալլային հայտարարեց, որ Խուզիստանի Կարուն գետի աջ ափին գոյություն ունի մոտավորապես 300 հազար հեկտար հող, որից օգտագործվում է ընդամենը 100 հազար հեկտար, իսկ մնացած 200 հազարը կարելի է մշակելի դարձնել գետի վրա ամբարտակներ կառուցելու միջոցով: Իսկ Ջահեգիի կառավարության գյուղատնտեսություն միջին տարի տեղակալ Մուսթաֆա Ջահեգին 1954 թվականին հայտարարեց, որ ամբողջ Խուզիստանում 5 միլիոն հեկտար վարուցանքի պիտանի հող գոյություն ունի:

Ըստ որոշ տվյալների, մշակվող մոտ 3 700 000 հեկտար հողից մոտավորապես 2 300 000 օգտագործվում է, այսպես կոչված, «զերաաթե շաթի» (زراعت شتی), այսինքն՝ աշնանացանի, և մոտ 1 400 000 հեկտար «զերաաթե սեյֆի» (زراعت صیفی), այսինքն՝ գարնանացանի համար: Աշնանացանի մոտ երեք հինգերորդը ոռոգվում է բնական ձևով, այսինքն՝ անձրևներով և կոչվում է «զերաաթե դեյմի» (زراعت دیمی), իսկ երկու հինգերորդը արհեստական ոռոգումով, որը կոչվում է «զերաաթե արի» (زراعت آبی): Գարնանացանից բնական ձևով ոռոգվում է միայն մեկ տասներկուերորդ մասը, իսկ արհեստական ոռոգումով՝ մնացած տասնմեկ տասներկուերորդականը¹:

Համառոտակի բնութագրելով Իրանի օգտագործման ենթակա ամբողջ տերիտորիայի տարածությունը, այժմ անդրադառնանք մեր հիմնական հարցին, թե ում է պատկանում հողը, և նրանից ստացված ամբողջ եկամուտը ինչպե՞ս է բաշխվում բնակչության տարբեր դասակարգերի միջև: մի եկամուտ, որ ներկայումս կազմում է տարեկան մոտավորապես 25,5

«اطلاعات» թերթը իր 1953 թ. հունիսի 28-ի համարում գրում է, որ 1947 թվականի պաշտոնական տվյալների համաձայն գյուղատնտեսության համար պիտանի հողերը կազմում են 164 միլիոն հեկտար, որից 78,5 միլիոն հեկտարը ամայի, 17 միլիոնը անտառ և միայն 4,5 միլիոնն է ցանվում: International Labour Review, Geneva, 1949, vol. LIX, No 5, էջ 551, գրում է, որ ցանքատարածությունը կազմում է 15—16 միլիոն հեկտար, անտառները 20 միլիոն հեկտար, իսկ արոտավայրերը 8—10 միլիոն հեկտար: Մերձավոր Արևելքի երկրների ագրարային հարաբերությունների խոշոր մասնագետ Բոնեն իր «Land and Population in the Middle East» հոդվածում (Middle East Journal, 1951, № 1, էջ 54) մշակված հողերը 10 միլիոն հեկտար է համարում, որից իրիդայիայով մշակվող հողերը կազմում են 2 միլիոն հեկտար:

Միավորված Ազգերի տնտեսական գործերի ղեկավարամենտի տվյալներով, մշակելի հողերը կազմում են 20 330 000 հեկտար, այսինքն՝ ամբողջ տերիտորիայի 12,6 տոկոսը, իսկ արոտավայրերը կազմում են 24 100 000 հեկտար (United Nations Department of Economic Affairs, Land Reform, Defects in Agrarian Structure as Obstacles to Economic Development, New York, 1951, էջ 96):

¹ «راهنمای ایران نشریه دائره جغرافیا، ستاد ارتش تهران ۱۳۳۰»
էջ 104:

միլիարդ ուիալ, կամ 785 միլիոն գոլլար¹, որը ներկայացնում է ազդային ամբողջ եկամտի մոտ 85 տոկոսը²,

Ներկայումս Իրանում գոյություն ունի հողային սեփականության չորս հիմնական ձև։ Նախ՝ ամլաքե արբաբի (املاك اربابی), այսինքն, այն հողերը, որոնք պատկանում են խոշոր և միջին կալվածատերերին, երկրորդ՝ ամլաքե խորդեմալիբի (املاك خردمالکی), այսինքն՝ մանր հողատերերի կալվածքները, երրորդ՝ ամլաքե խալիսե (املاك خالصه), այսինքն՝ պետությանը պատկանող հողեր, և չորրորդ, ամլաքե վակֆ (املاك وقف), այսինքն՝ մզկիթապատկան և այլ նվիրատուական հողերը³, Բացի հողային սեփականության այս հիմնական ձևերից, կան նաև երկու այլ ձևեր, առաջինը ամլաքե իլյաթի (املاك ايلاتی), այսինքն՝ վաչկատուն ցեղերին և նրանց պետերին պատկանող հողեր, որոնք փաստորեն կարելի է դասել խոշոր կալվածատիրական հողերի շարքը և երկրորդ՝ ամլաքե ումումի (املاك عمومي), որոնք հին համայնական հողերի վերջին մնացուկներն են և կազմում են աննշան մի տարածություն։

Բսկ ինչպիսին է հողային սեփականության այս ձևերից յուրաքանչյուրի տեսակարար կշիռը երկրի ամբողջ հողային սեփականության մեջ։ Այս հարցում ևս դանադան աղբյուրների տվյալները տարբերվում են։

Ըստ իրանական և Միավորված Ազգերի աղբյուրների՝ գյուղացիության 60 տոկոսը միանգամայն հողազուրկ է, 22 տոկոսը մեկ հեկտարից պակաս հող ունի, 10 տոկոսը 1—3 հեկտար, 6 տոկոսը՝ 3—20 հեկտար և այլն։ Մշակվող հողերի ամբողջ տարածության ընդամենը 17 տոկոսը պատկանում է նրանց, ովքեր երեք հեկտարից պակաս հող ունեն, մինչդեռ 56 տոկոսը պատկանում է խոշոր կալվածատերերին, որոնք բոլոր հողատերերի մեկ երրորդն են կազմում⁴։

Ըստ Սովետական Մեծ Էնցիկլոպեդիայի տվյալների՝ մշակվող հողերի մոտ 80 տոկոսը գտնվում է կալվածատերերի ձեռքում, 15 տոկոսը կադմուս են պետական, վակֆային և շահի հողերը, և միայն մշակվող հողերի 5 տոկոսն է պատկանում գյուղացիությանը։ Գյուղացիության ոչ պակաս

¹ «Middle East Journal», 1951 թ., № 2, էջ 184, Մի ուրիշ աղբյուր այդ գումարը շատ քիչ է մինչև 791 955 000 գոլլարի՝ 1947 թվին։ («Foreign Agriculture», Washington, 1949 sept., էջ 213)։

² Экономика и внешняя торговля капиталистических стран, Москва, 1954, стр. 213.

³ «مسعود کیهان جغرافیای مفصل ایران قسمت ۳ اقتصادی تهران ۱۳۱۱» էջ 53։

⁴ Տվյալները նշված են «Գյուղացիների ոգնող» միության նամակում, ուղղված ժամանակի պրեմիեր Մոսադդիկին (1952, նոյ. 28 հ.)։ Նույն տվյալները նշվել են նաև «Բանդե Մարզում»-ում, 1953 թ. մարտի 21 (بانك مردم) և մեջ են բերվել «Краткие сообщения института Востоковедения», 1953, X, իսկ Միավորված Ազգերի տնտեսական գործերի ղեկարտամենտի տվյալներով, գյուղացիության 60 տոկոսը միանգամայն հողազուրկ է, 25 տոկոսը ունի մեկ հեկտարից պակաս հող, 10 տոկոսը՝ 1—3 հեկտար (United Nations Department of Economic Affairs, Land Reform, Defects in Agrarian Structure as Obstacles to Economic Development, New York, 1951, էջ 14)։

քան 85 տոկոսը հողագուրկ է և աշխատում է կալվածատիրոջ հողի վրա՝ արենդով¹։

Պատկերը ավելի պարզ է դառնում, երբ վերցնում ենք առանձին նահանգների հողային սեփականության բաշխումը։ Օրինակ, Արաքի շրջանում կես միլիոն բնակչությունից ընդամենը 49 հազարը ապրում է քաղաքում, իսկ մնացածը «ամբողջովին թշվառություն և զրկանքների մեջ»՝ գյուղերում, որի վարելահողի 82 տոկոսը պատկանում է խոշոր կալվածատերերին և միայն 18 տոկոսը գյուղացիներին և խորհրդայիններին²։ Մադենդարան նահանգի վարելահողերի 69 տոկոսը պատկանում է կալվածատերերին, 15 տոկոսը կազմում են վակֆային հողերը, 5 տոկոսը գյուղացիներին է, իսկ մնացածը պետական և շահի հողերն են³։

Գյուղատնտեսական խոշոր նշանակություն ունեցող Աղբրաջանի նահանգում մշակվող հողերի 75—80 տոկոսը պատկանում է կալվածատերերին, 12 տոկոսը պետությանն ու մզկիթներին և միայն մնացած չնչին մասն է պատկանում սակավահող գյուղացիներին։

1949 թվականին Բրանի, այսպես կոչված, «Յոթամյա պլանի ազմի-նիստրացիայի» ստատիստիկայի բաժինը Թեհրանի և Դամավանդի շրջանի 1300 գյուղերում տվյալների փորձնական հավաք կազմակերպեց։ Արդյունքները ցույց տվեցին, որ գյուղական ընտանիքների 60 տոկոսը միանգամայն հողագուրկ է, 25 տոկոսը ունի ավելի պակաս քան մեկ հեկտար և մոտ 10 տոկոսը 1—3 հեկտար հող։ Այլ խոսքով, գյուղացիության 95 տոկոսը տիրում էր ամբողջ վարելահողի ընդամենը 17 տոկոսին։ Հողատերերի մեկ տոկոսը կազմում էին 20 հեկտարից ավելի հող ունեցողները, որոնց մեկ հինգերորդը ուներ 100 հեկտարից ավելի⁴։

Ինչպես տեսնում ենք, տվյալների բազմազանությունը չի փոխում խնդրի էությունը, այն, որ ժամանակակից Իրանում հողերի գերակշռող մեծամասնությունը պատկանում է կալվածատերերին, հատկապես խոշոր կալվածատերերին։ Նրանց է պատկանում նաև գյուղատնտեսական արտադրության համար էական նշանակություն ունեցող ցուրր։ Գյուղացիական բազմամիլիոն մասսաները հողագուրկ են և ստիպված են աշխատել կալվածատերերի հողերի վրա։ Հենց այդտեղից էլ բխում է երկրի գյուղատնտեսության մեջ իշխող ֆեոդալ-կալվածատիրական հարաբերությունների բնույթը, հետևարար և ամբողջ Իրանի տնտեսության հետամնացությունը։

Իրանի Առողջապահության մինիստրության տվյալների համաձայն, երկրում գոյություն ունի 40 545 գյուղ⁵։

Իրանում առանձին անհատական բնակեցությունը հազվագեպ երևույթ է։ Գյուղերը բնդհանրապես հիմնված են ջրի այնպիսի աղբյուրի մոտ, որը

¹ Որոշ չափով տարբերվում են սովետական աղբյուրների մյուս տվյալները։ Օրինակ՝ «Мировое хозяйство и мировая политика» ժուռնալի 1948 թ. № 4—5-ում այդ թվերը այնպես են բաշխված, որ ամբողջ վարելահողերի 80 տոկոսը պատկանում է կալվածատերերին, պետությանը և հողեօրականներին և միայն 17 տոկոսը՝ գյուղացիությանը։ Գյուղացիության 80 տոկոսը հողագուրկ է, 32 տոկոսը սակավահող և այլն։

² «اسناد»، 1953, փետր. 13։

³ «Middle East Journal», 1951, № 2, էջ 183։

⁴ «رنگین کمان», 1953, հունիսի 10։

կարող է բավարարչափով ուսողել շրջակա հողերը: Համեմատաբար մեծ թիվ են կազմում սահմանափակ տնտեսություններ ընդգրկող գյուղերը, որտեղ սովորաբար բնակվում են մի քանի ընտանիքներ: Որոշ գյուղերի ամբողջ բնակչության թիվը չի գերազանցում հարյուր հոգուց, հատկապես այն դեպքում, երբ գյուղը հեռու է ընկած գլխավոր խճուղուց: Մի քանի հարյուր ընտանիք ունեցող մեծ գյուղերը շատ հազվադեպ են: Մշակելի հողերով հարուստ շրջաններում, նույնիսկ, ավելի շուտ մի քանի իրարից ոչ հեռու մասեր գյուղերի կարելի է հանդիպել, քան թե մի մեծ գյուղի, որովհետև գյուղատնտեսության հետամնացության պատճառով գյուղացու հիմնական բնակավայրին մշակելի հողի մոտ գտնվելը ունի ակունհայտ առավելություն:

Հողը մշակում են գյուղացիները: Մշակելու համար գյուղացիներին վարձով տրված հողը չափվում է երկու ձևով, վարելահողի կամ ջրի բաժնի չափով: Առաջինի չափը տարբեր վայրերում փոփոխական է: Բայց հիմնական նախադրյալը համընդհանուր մի չափ է, որը երկրի մեծ մասում կոչվում է «ջուֆթ» (جفت), որը արարերեն բառացի նշանակում է մեկ զույգ, այսինքն, այնքան հող, որ կարելի է մշակել երկու եզան միջոցով: Միջին թվով ջուֆթը ներկայացնում է մեկ ու կես կամ երկու հեկտար: Արևելյան Իրանում տարածված է պարսկական «զոջ» (جوز) տերմինը, որը նյունպես նշանակում է մեկ զույգ, այս տերմինը Պորասանի որոշ մասերում նշանակում է նաև ջրի որոշ միավոր: Պուղիստանում վարելահողը չափվում է «խիշ»-ով (خیش), որը նշանակում է զուլթան: Անհրաժեշտ է նշել, որ գյուղի վարելահողերի այդպիսի մասերի բաժանելը տարածված է թե՛ կավ-վածածտիրական և թե՛ մանր-գյուղացիական սեփականություն հանդիսացող գյուղերում: Դա տիպական է Աղերրայջանի, Քուրդիստանի, Համադանի, Արաքի, Բսֆահանի, Ֆարսի, Պուղիստանի և Թեհրանի նահանգների գյուղերում: Բացառություն է կազմում, օրինակ, Ֆարսի խոր շրջանը, որտեղ ամեն մի միավորը բաղկացած է 5 մարդուց և 4 եզներից, իսկ Պուղիստանի Ագիլիում ամեն մի միավորը բաղկացած է 6 մարդուց և 4 եզներից¹:

Հողային միավորների չափերը տարբերվում են երկրի զանազան շրջաններում: Ընդհանրապես մի զույգ եզան օգնությամբ կարելի է ցանել 1—6 խարվար (խարվարը հավասար է 300 կիլոյի): Պուղիստանում հողային տարածության մեկ միավորը կազմում է այնքան հողամաս, որտեղ ցանվում է 3 Անվաղի ման (Անվաղի մանը հավասար է 50 կիլոյի) ցորեն և 6 ման պարի՝ մեկ էջի օգնությամբ, 12 ման ցորեն և 8 ման գարի՝ մեկ ջորու օգնությամբ, և մոտ 15 ման ցորեն և 15 ման գարի՝ մատակ ձիու միջոցով:

Վարելահողերի բաժինները որոշելիս հիմք է ընդունվում ոչ միայն հողի տարածությունը, այլ հաշվի է առնվում նաև հողի բերքատվության աստիճանը: Միջին թվով գյուղացու ընտանիքի կողմից մշակվող հողի քանակը կարող է լինել 1—4 կամ 5 ջուֆթ: Վերջի ջուֆթ հող մշակող գյուղ-

¹ Raj Narain Gupta, Iran, An Economic Study, New Delhi, 1947, էջ 80:

գազին համարվում է բարեկեցիկ մարդ: Դյուղագլխերի վարելահողերի մեծ մասը 1—3 ջուֆթ է¹:

Ինչպես վկայում է Իրանում ամերիկյան 4-րդ կետի նախկին գիրեկտոր Հարիսը, ավելի խիտ բնակեցված վայրերում հող ձեռք բերելու մրցավազքը այնքան ուժեղ է, որ յուրաքանչյուր գյուղացուն հասնող հողի տարածությունը գնալով կրճատվում է «և կալվածատերերը գործարքելու հսկայական հնարավորություն են ձեռք բերում...»²:

Ջրի բաժնի չափով վարելահողերի բաշխումը կատարվում է ժամանակի համասար տեղոլությունը տվյալ շրջանի ջուրը մի շարք մասերի բաժանումով: Ըստ որում այս դեպքում յուրաքանչյուր տարի վարելահողերի նոր բաժանում չի կատարվում:

Դյուղագլխության մեծամասնությունը հողը վարձակալում է կալվածատիրոջից կամ էլ աշխատում է որպես բատրակ: Դյուղագլխերը հողը կալվածատիրոջից վարձակալում են սահմանված կամ չսահմանված ժամկետով: այդ գործարքները կատարվում են առանց որևէ գրավոր փաստաթղթի՝ բանավոր: Երբեմն, շատ հազվադեպ, գյուղացին ի վիճակի է լինում, բացի իր աշխատանքից, տրամադրելու նաև սերմացու, անասուններ և գյուղատնտեսական գործիքներ, կամ թե գրանցից որևէ մեկը:

Վարձակալության, այսինքն՝ մշակվող հողի նկատմամբ գյուղացու իրավունքի ապահովության հարցը ունի շատ կարևոր նշանակություն:

Իրականում գյուղացու վարձակալական իրավունքը ոչնչով չի երաշխավորվում և չի ապահովված: Կալվածատերը կամ սուրարենդատորը փաստորեն կարող է ցանկացած ժամին վարձակալ գյուղացուն դուրս վտարել: Քիրմանում, օրինակ՝ բերքից ստացված գյուղացու բաժինը բաշխվում է երեք մասի՝ արդար, խեշտդար և բարդար: արդարը՝ հողը մշակման նախապատրաստելու համար, խեշտդարը՝ վարելու և ցանելու համար, իսկ բարդարը՝ քաղելու և կալսելու համար: Եթե գյուղացին հողից վտարվի իրանական նոր տարվա ժամանակ (գարնանը), ապա նա կստանա իր բաժնի միայն մի երրորդը, իսկ եթե վտարվի նախքան բերքահավաքը, ապա կստանա իր բաժնի երկու երրորդը, վտարված գյուղացու փոխարեն եկած նոր վարձակալի բաժնից պակասեցվում է այն, ինչ տրվել է նախորդին: Որոշ վայրերում վարձակալին հողից հեռացնելու որոշ ժամկետներ է սահմանված: այսպես՝ Քիրմանում գյուղացուն կարելի է վտարել կամ նոր տարուն, այսինքն մարտ ամսին, կամ մեհր ամսին (սեպտեմբեր-հոկտեմբերին)³:

Իրանում հողօգտագործման ապահովության բացակայության մասին է վկայում նաև անգլիական «Փորթնայթլի» ամսագրի հետևյալ հայտարարությունը: «...մի քանի իրար հաջորդող տարիներ նույն հողամասը մշակելու գյուղացու շանսերը այնքան քիչ են, որ ոչ ոք չի ձգտում արտակարգ խնամքի և քաղհանի միջոցով հողը բարեկարգել: Մի գյուղացի ասում էր. «Ի՞նչ օգուտ կա ծառեր անկելուց, դրանից միայն կալվածատերը կշահի»⁴:

¹ «Journal of Farm Economics», USA, 1948, vol. XXX, № 3, էջ 425:

² «Foreign Agriculture», 1953 թվտր., էջ 32:

³ A. K. S. Lan'oot, Landlord and Peasant in Persia, London, 1953, էջ 293:

⁴ «The Fortnightly», 1952 թվտր., № 1022, էջ 103:

Ինչպես ասվեց, Իրանի վարելահողերի գերակշռող մասը պատկանում է կալվածատերերին, որը նրանք վարձու են տալիս սուրարենգատորներին կամ գյուղացիներին: Հաշվադատ պարաշաներում է, որ իրենք՝ կալվածատերերը պահվում են իրենց հողերի մշակումով՝ օգտագործելով բատրակներին: Կալվածատերերն իրենց հողերն ընդհանրապես վարձով են տալիս երեք սիստեմով:

1. Մողարեն կամ կիսրարային սիստեմ: Այս սիստեմի համաձայն՝ հողը վարձով է տրվում վարձակալ-մշակողին որոշակի ժամկետով, բերքից որոշակի մաս ստանալու պայմանով: Կալվածատերը լրիվ հսկողություն է սահմանում գյուղացիների և նրանց աշխատանքների վրա:

2. Սահմանված վճարի սիստեմ: Այս դեպքում վարձակալ-մշակողը կալվածատիրոջը վճարում է նախապես որոշված մի գումար, անկախ ստացվող բերքի քանակից:

3. Գոնտրակտի սիստեմ: Սա մեծապես տարբերվում է նախկին երկու ձևերից նրանով, որ հողը վարձով է տրվում այնպիսի անձնավորության, որն ինքը անմիջականորեն չի մշակում հողը: Նա, կալվածատիրոջը մի որևէ գումար վճարելով, իրավունք է ստանում վերջինիս հասանելի բաժինը գանձել գյուղացիներից: Սա հենց սուրարենգան է:

Վերոհիշյալ երեք սիստեմից ամենից տարածվածը հանդիսանում է առաջինը՝ մողարեն կամ կիսրարային սիստեմը: Հողը վարձով վերցնելը կոչվում է էջարե (عجره), վարձակալը կոչվում է էջարեդար (عجاردار), իսկ պայմանագիրը էջարենամե (عجارسامه):

Իրանում վարձավճարը գանձելու երեք ձև գոյություն ունի. նախ՝ ջինս (جنس մթերք), այսինքն՝ վարձավճարի ստացումը նատուրայով, երկրորդ՝ նագդ (نقد կանխիկ), այսինքն, երբ վճարվում է կանխիկ գրամով և, վերջապես՝ խառն ձևը, երբ մի մասը գանձվում է նատուրայով, մյուս մասը՝ գրամով. նայած վարձատուի և վարձակալի համաձայնությունը: Խառն ձևը հատկապես տարածված է պետական հողերում, որի մեջ երբեմն մտնում է նաև մթերքը պետական պահեստ փոխադրելու պարտականությունը: 1930 թվականի օրենքով կառավարությունն ուզում էր վարձավճարի միայն նագդ (կանխիկ) ձևը միասնական դարձնել ողջ երկրի համար: Բայց այդ չիրականացավ, և մինչև այսօր էլ Իրանում պահպանվել են վերոհիշյալ երեք ձևերը, քանի որ խոշոր կալվածատերերը հիմնականում գերադասում են նատուրալ վարձավճարը, որը նրանց ապահովում է լրացուցիչ եկամուտներ ի հաշիվ անմիջական արտագրողի՝ գյուղացու:

Մողարենի կամ կիսրարային սիստեմի հիմքում ընկած է հին, միջնադարյան հինգանդամյա ֆորմուլան, ըստ որի բերքը բաժանվում է հինգ մասի, ամեն մի մասը գյուղատնտեսության բաղկացուցիչ հինգ տարրերից մեկի գիմաց: Այսպես ուրիմն, ըստ այդ կարգի, հողագործությունը բաղկացած է հետևյալ տարրերից՝ 1) հողից, 2) ջրից, 3) սերմացուից, 4) անասուններից, 5) աշխատուժից: Որոշ հազվագյուտ դեպքերում էլ հողագործական գործիքները հաշվվում են որպես ինքնուրույն, առանձին ֆակտոր, և այդ դեպքում դառնում է վեց տարր. բայց ընդհանրապես հողագործական գործիքները, որոնք շատ պրիմիտիվ են, պատկանում են գյուղացուն: Այսպիսով, ստացված բերքը բաժանվում է հինգ մասի և յուրաքանչյուր մաս հատկացվում ըստ տարրերի պատկանելիության: Քանի որ

գյուղացիին որպես կանոն չունի ոչ հող և ոչ էլ ջուր, և շատ հաճախ էլ սերմացու ու աշխատող անասուն, որը նա որոշ շրջաններում ստիպված է առանձին վարձակալել, ասպա նա այդ գործարքում հանդես է գալիս միայն իր աշխատուժով, հետևաբար ստանում է ամբողջ բերքի միայն մեկ հինգերորդ մասը: Սա բերքի բաժանման ամենատարածված եղանակն է ամբողջ Խրանում: Բայց նույն հիմունքներով կա նաև բաշխման մի այլ եղանակ, որը կիրառվում է երկրի առանձին շրջաններում: Այդ եղանակը կոչվում է սեյեկրար, նիսֆաքար, և չերեքդար (سەڤکار، نصفکار، چرکدار): Սեյեկրար եղանակով է բերքը բաշխվում, երբ գյուղացին կալվածատիրոջից վերցնում է հողը, սերմացուն և անասունները: Բերքահավաքի ժամանակ կալվածատերը հողի զիմաց նախ վերցնում է բերքի մեկ հինգերորդ մասը, ասպա մնացածը բաժանում է երեք մասի՝ որից երկուսը կալվածատիրոջն է հասնում, մեկը՝ գյուղացուն:

Նիսֆաքար եղանակը կիրառվում է այն պարագայում, երբ անասուններն ու հողագործական գործիքները պատկանում են գյուղացուն: Այս դեպքում ևս բերքի մեկ հինգերորդ մասը կալվածատերը վերցնում է հողի զիմաց, իսկ մնացածը ձևավորվում է երկու մասի, որից մեկը հասնում է կալվածատիրոջը, իսկ մյուսը՝ գյուղացուն:

Չերեքդարը այն ժամանակ է կիրառվում, երբ գյուղացին ոչինչ չունի և հանդես է գալիս միայն իր աշխատուժով: Այս պարագայում կալվածատերը նախ վերցնում է բերքի չորս հինգերորդ մասը, այնուհետև մնացած մեկ հինգերորդը բաժանում է չորս մասի, որից միայն մեկն է հատկացնում գյուղացուն, այսինքն՝ գյուղացին ստանում է ամբողջ բերքի մեկ քսաներորդ մասը: Չերեքդարը կիրառվում է հազվագյուտ դեպքերում, այն էլ բրնձի ցանքսերի շրջաններում:

Այսպիսով, եթե պատահի, որ գյուղացին անասուններ, սերմացու ու գործիքներ տրամադրի և կալվածատիրոջից վերցնի միայն հողն ու ջուրը, ասպա բերքը բաժանվում է երեք մասի, կամ, ինչպես կոչվում է, երեք քուփեյի (دو ٲٲ ٲٲ), որից երկու մասը գյուղացին է ստանում, մի մասը՝ կալվածատերը: Բայց այսպիսի վարձակալություն ընդհանրապես քիչ է պատահում: Նման դեպքերում ավելի հաճախ կարելի է հանդիպել երկքուփե (دو ٲٲ ٲٲ ٲٲ ٲٲ ٲٲ) եղանակին, այսինքն՝ կիսով կես:

Այն գյուղացիները, որոնք, բացի իրենց աշխատուժից, ունենալ չունեն, մինչև իսկ վարձակալ չեն համարվում, պարզորեն կոչվում են «բարդեգար», և ստանում են բերքի մեկ հինգերորդ մասը: Սերմացուն մեծ մասամբ տալիս է կալվածատերը նաև այն պատճառով, որ ըստ օրենքի, նախքան բերքահավաքը, պայմանագիրը բեկանվելու պարագայում, ցանքսը անցնում է սերմացուն տրամադրողին:

Բայց բերքի բաժանման այդ սխեմաները պրակտիկայում կիրառվում են ոչ լրիվ: Գյուղացու բաժինը շատ ավելի պակաս է լինում, քան նշված քանակը: Այդ մասին խոստովանում է մինչև իսկ Լամրտոնը: Նույն գրում է. «Բերքը բաժանելիս տրագիցիոն ձևով հաշվի են առնվում հինգ տարրերը... մինչդեռ դա փաստորեն տեսական արտրակցիայից մի բան էլ ավելի է և իրական բաժանումը, չնայած նյութապես կախված է այն բանից, թե այդ տարրեր տարրերը ում են պատկանում և ում է տրամա-

դրում, հազվագյուտ է կատարվում այն հիմունքներով, որ հինգ տարրերի համար հատկապի են հավասար բաժինները¹:

Գործնականում հնդամյա ֆորմուլան Իրանի բոլոր շրջաններում նույն ձևով չի կիրառվում: Գոյություն ունեն բազմաթիվ տարածություններ, Նաժաժ տեղական պայմաններին, առանձին տարրերի տեսակարար կշիռը աճում է կամ նվազում: Կարևոր նշանակություն ունի նաև այն հանգամանքը, թե ցանքսը ոռոգվում է, թե ոչ, շաթի (աշնանացան) է, թե սեյֆի (գարնանացան) և այլն: Ոռոգման եղանակը գետից, կանաթից կամ ջրհորից նույնպես ազդում է բերքի բաշխման վրա:

Ընդհանրապես բերքի բաշխումը կատարվում է կալում, որտեղ հացահատիկն ու դարմանը անջատում և կուտակում են ըստ մասերի: Այսպես, օրինակ, ենթադրենք կալվածատիրոջ բաժինը երկու երրորդ է, իսկ գյուղացունը մեկ երրորդ, ապա հացահատիկը և դարմանը առանձին բաժանում են երեք մասի: Որոշ տեղերում, ինչպես, օրինակ, Քուրդիստանում կալվածատիրոջ իրավունքն է ընտրելու իր մասը: Սովորաբար գյուղացին իրավունք չունի բերքի իր բաժինը կալից հեռացնել, քանի դեռ կալվածատերը իր բաժինը չի տարել: Երբ բերքը բաժանվում է մասերի, կալվածատիրոջ կամ նրա մուքաշիրի՝ ներկայացուցչի կողմից դրանք կնքվում են գաջերով՝ բերքը անձեռնմխելի դարձնելու համար, որը կոչվում է մոհր քարդան կամ գաջ քարդան (مهر کردن یا داج کردن): Ընդհանրապես, որոշ բացառությամբ, ընդունված է, որ կալվածատիրոջ բաժինը կալից մինչև պահեստ (որը երբեմն գտնվում է քաղաքում) փոխադրելը մտնում է գյուղացու պարտականությունների մեջ:

Կալվածատերերը, քացի բերքի իրենց բաժնից, բազմաթիվ ուրիշ տուրքեր են պարտադրում գյուղացիներին: Բոլոր այն դեպքերում, երբ գյուղացու բաժինը անասուն կամ սերմացու տրամադրելու հետևանքով ավելի է լինում, ապա կալվածատերը ծանրացնում է մյուս տուրքերը:

Ինչպես ասվեց, Իրանի տարրեր նահանգներում և տարրեր շրջաններում բերքի բաժանման և պարհակների տարբեր ձևեր գոյություն ունեն: 1922—23 թթ. «Իրանի տարեգիրը» երկրի տարրեր շրջաններում ստացված բերքից կալվածատիրոջ և գյուղացու բաժինների մասին հետևյալ աղյուսակն² է հրապարակել (տե՛ս հաջորդ էջը), որը, ինչպես տարեգիրն է գրում, կազմվել է «պաշտոնական ղեկավարումների» հիման վրա և բավական հետաքրքիր թվական տվյալներ է պարունակում:

Պատկերը ավելի պարզ լինելու համար այժմ քննենք բնորոշ մի քանի նահանգներում կիրառվող բերքի բաշխման եղանակները և գյուղացիներին պարտադրված տուրքերի ու պարհակների ձևերն ու չափերը: Օրինակ, Քիրմանի նահանգում այսպիսի կարգ են հաստատել. ամեն տարի գյուղացիներին որևէ հողամաս տալու համար նրանցից մի գումար են կորչում, որը կոչվում է «թակագում» (تفلمه), կամ «թաարոֆ» (تعارف): Այս պրակտիկան գյուղացիության մեջ մրցակցություն է ստեղծում, որի հետևանքով ավելի շատ թաարոֆ վճարողը կարող է ավելի ընտիր հող ստանալ, իսկառակ դեպքում գյուղացին կամ ցածր բերքատու հող կստանա, կամ էլ

¹ A. K. S. Lambton, Landlord and Peasant in Persia, London, 1953, էջ 306.

² «سالنامه کشور ایران سال ۱۳۳۱ تهران», էջ 184.

Շրջաններ	Կալվածատիրոջ րաժնի մինիմումը	Կալվածատիրոջ րաժնի մաքսիմումը	Գյուղացու րաժնի մինիմումը	Գյուղացու րաժնի մաքսիմումը
Սալե և Զարանդ	$\frac{2}{5}$	$\frac{4}{5}$	$\frac{1}{5}$	$\frac{3}{5}$
Հատաղան	$\frac{1}{4}$	$\frac{2}{5}$	$\frac{3}{5}$	$\frac{3}{4}$
Նահավանդ և Թույսերդան	$\frac{1}{3}$	$\frac{2}{5}$	$\frac{3}{5}$	$\frac{2}{3}$
Արաբ	$\frac{1}{3}$	$\frac{2}{3}$	$\frac{1}{3}$	$\frac{2}{3}$
Քուփալեդան և Մահալաթ	$\frac{1}{3}$	$\frac{3}{4}$	$\frac{1}{4}$	$\frac{2}{3}$
Վարամին	$\frac{1}{2}$	$\frac{1}{2}$	$\frac{1}{2}$	$\frac{1}{2}$
Իսֆահան և Գազդ	$\frac{1}{4}$	$\frac{3}{4}$	$\frac{1}{4}$	$\frac{3}{4}$
Բեջուերդ	$\frac{2}{5}$	$\frac{3}{4}$	$\frac{1}{4}$	$\frac{3}{5}$
Ջիրման	$\frac{1}{2}$	$\frac{3}{4}$	$\frac{1}{4}$	$\frac{1}{2}$
Հազվին	$\frac{1}{3}$	$\frac{1}{2}$	$\frac{1}{2}$	$\frac{2}{3}$
Ֆարս	$\frac{2}{5}$	$\frac{2}{5}$	$\frac{3}{5}$	$\frac{3}{5}$
Խուզիստան	$\frac{1}{7}$	$\frac{1}{3}$	$\frac{2}{3}$	$\frac{6}{7}$
Արևմտյան նահանգներ	$\frac{1}{5}$	$\frac{1}{3}$	$\frac{2}{3}$	$\frac{4}{5}$
Արևմտյան Աղերբաջան	$\frac{1}{10}$	$\frac{1}{2}$	$\frac{1}{2}$	$\frac{9}{10}$
Խորասան	$\frac{1}{2}$	$\frac{5}{6}$	$\frac{1}{6}$	$\frac{1}{2}$
Արևելյան Աղերբաջան	$\frac{1}{5}$	$\frac{1}{3}$	$\frac{2}{3}$	$\frac{4}{5}$
Բուրդիստան	$\frac{1}{5}$	$\frac{1}{2}$	$\frac{1}{2}$	$\frac{4}{5}$
Մոբրան	$\frac{1}{3}$	$\frac{3}{4}$	$\frac{1}{4}$	$\frac{2}{3}$
Բուրզերդ և Խորամարազ	$\frac{1}{4}$	$\frac{1}{2}$	$\frac{1}{2}$	$\frac{3}{4}$

առանց հող կմնա: Իսկ հողերը բաժանվում են մեկ տարի ժամկետով և սահմանափակ քանակությամբ:

Իրիմանում կալվածատերը տալիս է հողը, ջուրը, սերմացուն և երբեմն էլ անասունները: Նրա բաժինը բոլոր տեսակի կուլտուրաներից, բայցի աֆիոնից, կազմում է բերքի 75—80 տոկոսը: Իրիմանի պայմաններում առանց ջրի հողը ոչ մի արժեք չունի և փաստորեն կալվածատերերը ոչ թե այս կամ այն հողամասի, այլ ջրի տերն են: Այնպես որ կալվածատերերին հասնող բերքի բաժինը կարելի է համարել այն կապիտալի տարեկան շահույթը, որ նա ներդրել է կանաթի վրա:

Քիրմանի Ռաֆսանճան գավառում կիսրարային պայմանագիրը կալվածատերը կնքում է գյուղացու հետ ամեն տարի աշնանը, այսպես կոչված՝ արրանգի (اب بندی) ժամանակ: Հողը վարձակալող գյուղացին կոչվում է «սարգաիմ» (زرعیم), որը մշակմանը մասնակից է դարձնում նաև այլ գյուղացիներին: Հողագործությունից միջոցներ ունեցող յուրաքանչյուր գյուղացի համարվում է մի «մարդ» (د مر), և եթե աշխատել են 10 հոգի, ապա գյուղացուն հասնող բերքի բաժինը բաշխվում է 10 մասի: Իսկ եթե գյուղացին չունի այն բոլոր միջոցները, այդ թվում և ֆիզիկական ուժ, որոնք անհրաժեշտ են մի «մարդ» հաշվվելու համար, ապա նա համարվում է «նիմ մարդ» (نیم مرد), այսինքն՝ կես մարդ և մի «մարդի» բաժնի կեսն է ստանում: Գյուղացիներին երեխաները մինչև 18 տարեկան հասակը նույնպես «նիմ մարդ» են համարվում:

Իրուվյունը նույնն է նաև Աղերբաջանում: Կալվածատիրոջն է պատկանում հողը, ջուրը և հաճախ էլ անասուններն ու սերմացուն: Կալվածա-

¹ «الشرق الأوسط», 1953, ապրիլի 25:

² «Royal Central Asian Journal», 1953 Jan. vol. VI, part I, 49 55:

տիրոջ բաժինը այստեղ էլ տարբերվում է $\frac{4}{5}$, $\frac{2}{3}$, $\frac{1}{2}$ և այլն: Աղերբայ-ջանում էլ, ինչպես գրում է Քեհսույե այանյե՝ թերթը, կալվածատերերը հետևյալ միջոցներով են թալանում գյուղացիներին. 1. կալվածատիրոջ բաժին. 2. պարհակներ և հարկեր. 3. «սմանդակություն» և պարտք, որ հետ է գանձվում կրկնակի չափերով. 4. տուգանքներ. 5. կոո ու բեգարություն¹.

Ծանր և բազմազան են Աղերբայջանի գյուղացիության պարհակները: Իրանական մեջլիսի 14-րդ նստաշրջանի դեպուտատներից մեկը մեջլիսի նախագահին ուղարկած իր նամակում, խոսելով այդ պարհակների մասին, գրում է. «... Ձնայած համաձայն ներքին գործոց մինիստրության տարիներ առաջ կայացրած որոշման և Արևելյան Աղերբայջանի նահանգապետության եղած հրահանգի՝ որով միանգամայն արգելվել է Շրեգաթ կոչվող անօրինական տուրքերի գանձումը, այդուհանդերձ, որոշ գյուղատեղեր ուղղում են ուժի և խոշտանգումների միջոցով միջնադարյան անօրինական տուրքերը գյուղացիներից առնելով, նրանց մինչև իսկ հացի կաթոտ թողնել»:

Բեգաթները հետևյալներն են՝

Յոթ արրասի, ճեղդի արրասի (այս տուրքը առնվում է թե պարսկերեն անունով և թե միկնույն ժամանակ եզդի արրասի թուրքերեն զարձվածքով), քառասունից մեկ, մարգադուխ, հավ, ձու, անվարձ աշխատանք, ոչխար, ներքնակի դրամ, եղան տուրք, յուղ, ձիու գարի, հյուրերի ծախս, գզլորի ծախս և այլն: Մինչև իսկ Մաքուի գյուղերից մեկում ճնասրեզդին շահի մոր պատանքի՝ անվամբ տուրք են ստանում: ... Լիզվանում աջի էթեհամը իր գյուղերից հետևյալ տուրքերն էր ստանում.

1. Բ հավելումն գյուղատիրական բաժնի, ամեն մի տնից մի հավ ու տասը ձու: 2. Ամեն մի տնից հինգ հարյուր ոխալ կանխիկ, ամեն մի տնից մի գառն: 3. Հարյուր ոխալ մի զույգ եզից: 4. Ամեն մի գյուղացուց «մարգադուխ» տասը ոխալ: 5. Անվարձ աշխատանք: 6. Մեկ քառասուներորդ: 7. Սարմանչելիք և այլն²:

Քուրդիստանում նույնպես վարելահողերի հիմնական մասը պատկանում է խոշոր կալվածատերերին: Այստեղ էլ վարձակալության պայմանները և պարհակները բազմազան են, հայած տեղին և սովորություններին: Իրանական պաշտոնական «էթթեկաթ» թերթը 1952 թվականին տպագրել է մի հոգված, որտեղ մանրամասն խոսվում է քուրդ գյուղացիների պարհակների մասին: Հոգվածում նշվում է, որ, օրինակ՝ Քուրդիստանի գյուղերում մի ջուֆթի գիմաց կալվածատերը ստանում է՝ 1) կանխիկ դրամ 100—200 ոխալ, 2) յուղ 2—3 ման, 3) պանիր 1—2 ման, 4) միջակ գիրություն հավ 6 հատ, 5) բեգարային աշխատող 10—25 հոգի, 6) էջի փող, 300—480 ոխալ, չնայած կալվածատերը ավտոմեքենա է օգտագործում. 7) նոր տարվա նվեր տարեկան 150 ոխալ. 50 զույգ կով ունեցող գյուղը պարտավոր է կալվածատիրոջը 10 ոչխար տալ, 8) որոշ գյուղերում 100—200 հատ քակոր, 9) ձու 6—10 հատ, 10) 3—5 օր գալէ ջուֆթ (այսինքն՝ երբ գյուղացու կովը պետք է ձրի աշխատի կալվածատիրոջ համար), 11) որոշ գյուղերում՝ դարմանի երկու տասերորդը, 12) ցորենի և գարու բերքի

¹ «بیمه ایالتی», 1952, մարտի 3:

² «Հակաֆաշիստ թերթ» (հայերեն), Թավրիզ, 1943, սեպտ. 12:

երկու ու կես տոկոսը որպես պետական հարկ, 13) երկու բիզոն ցորեն հավելյալ ձեռք, որը կազմում է մոտ 10 ման:

Թերթը նշում է, որ այս բոլորից բացի, կալվածատերերը ստանում են նաև «թիֆլիսանե», «թեհրանանե», «նոր տարվա» և «ոչնչի» (دولتخانه, نهروانان, عیدانه, هجانه) կոչվող տուրքերը:

«Թիֆլիսանե» կոչվող տուրքի էությունն այն է, որ գյուղացին այժմ էլ պարտավոր է հարյուր տարի առաջ կալվածատիրոջ պապի Թիֆլիս կատարած ճամբորդության ծախսերը հոգալու համար ըստ իր կարողության մի գումար վճարել:

«Թեհրանանե» տուրքը վճարվում է կալվածատիրոջ կնոջ Թեհրան կատարած ճամբորդության ծախսերի համար:

Կալվածատիրոջ ներկայացուցիչը՝ մորաշիրք, իր հերթին ևս մի տուրք է դանձում, որը պարզապես կոչվում է «ոչնչի» համար:

Աղերբայջանում և Քուրդիստանում իշխող ֆեոդալական հարաբերությունների մասին հետաքրքիր վկայություն ունի անգլիական «Դոնթե»-փորարի ռիվյու- ժուռնալը. «... եթե որեւէ մեկը, — գրում է անգլիական ժուռնալը, — իսկապես ցանկանում է տեսնել գործող ֆեոդալիզմը, թող ճամբորդի դեպի Քուրդիստան և Աղերբայջան... Այդ մասերում խոշոր կալվածատերերը իրենց վարձակալներից պահանջում են բերքի երկու երրորդը և միաժամանակ հանդես են գալիս որպես վաշխառուներ, 40 տոկոս ունեւորում»:

Համադանի շրջանը նույնպես աչքի է ընկնում բերքի բաշխման և պարհակների բազմադանությունով:

1953 թվականին պատահում է այսպիսի մի դեպք. Համադանի շրջանում Նեդար Սաթուն գյուղի գյուղացիները մերժում են կալվածատիրոջ բաժինը տալ: Կալվածատերը արդարադատության օրգանների միջոցով պաշտոնական դրություններ է ուղարկում ամեն մի առանձին գյուղացու անունով, որով պահանջում է իր բաժինը: Գրության մեջ ասվում է. «Ձեզ հայտնում ենք, որ Համադանի նահանգապետության, ժանդարմերիայի և արդարադատության մոտ ձևակերպված և գոյություն ունեցող գործերի, հետաքննությունների և կենտրոնական մարմիններին ուղղված բազմաթիվ դանդաղաների համաձայն, դուք այս տարի գյուղում խլրտում ստեղծելով և իմ ներկայացուցչին սպառնալով ու ճնշելով, գյուղապետին փոխելով և, վերջապես, անընդունելի և ինքնագլուխ կերպով, ձեր ցանկությամբ բերքը հավաքել եք և ամեն մեկից ըստ ձեր հայեցողության և առանց կալվածատիրոջ ուղղակի հսկողության, որոշ քանակի ցորեն և գարի հանձնելով, խուսափել եք վճարել կալվածատիրական բաժնի մնացած ցորենը և գարին. նույնպես և դարմանն ու խոտը, այգուց և բանջարանոցից (սեյֆի) հասանելի բաժինը, արոտավճարը (ալաֆչար), բերքը քաղաք փոխադրելով վարձը և հողավճարը: Կալվածատիրոջ բաժինը ապահովելու համար արդարադատության պաշտոնական մասնագետը ստհմանել է, որ յուրաքանչյուր զոջի դիմաց դուք պարտավոր եք վճարել՝ 1) ցորեն և գարի 6 խարվար, 2) դարման՝ 2 խարվար, 3) խաղող՝ 1 թանարից 150 ման, 4) բան-

¹ «اطلاعات», 1952, օգոստոսի 30:

² «Contemporary Review», 1953, № 1055, էջ 262:

Վարանոցի 1 թանարից 500 ուիալ, 5) խոտի մեկ թանարից՝ 1250 ման չոր խոտ, 5) խոտարածի դիմաց ամեն մի կովին, էշին և այլն 20 ուիալ և ամեն մի այծին ու ոչխարին 10 ուիալ, 7) բերքը քաղաքի պահեստը փոխադրելու վարձ՝ խարվարը 50 ուիալ, 8) տան հողավճարը մետքը մեկ ուիալ... Այս ամենը պետք է երեք օրվա ընթացքում վճարեք, եթե ոչ համաձայն իմ վրա, որպես կալվածատիրոջ ներկայացուցչի, գրված պարտականությունների, ես ստիպված կլինեմ օգտվելով պետական օրենքի 3-րդ հոդվածից, ձեզանից այդ բոլորը պահանջել և գանձել կրկնակի չափով, ավելացնելով դրան նաև դատական ծախսերը՝ Այնուհետև թերթը շարունակում է, որ այդ միայն օրինական պահանջներն են, և եթե դրան ավելացնենք ճնաճեղգի Շահի մոր պատանքի փողը, բեմեկայի, թոչուն թոցնելու, ծխելու, արևի, մուլայի և այլն պարհակները, ապա թթալանչիների ոճրագործությունների միայն մի մասը թվարկած կլինենք¹։

Թեհրանի շրջանը աչքի է ընկնում, այսպես կոչված, գավրանդիներով (گاو بندى)։ Յուրաքանչյուր գավրանդ (անասուններ ունեցող) ունենում է 4—6 եզ։ Թեհրանի շրջանի գյուղացիները անասուններ չունեն, ուստի և նրանք պայմանագրային կարգով գավրանդի հետ միասին ձեռնարկում են հողի մշակմանը։

Բերքը սկզբից բաշխվում է գավրանդի և կալվածատիրոջ, իսկ եթե կալվածատերը արենդով է տվել ինչ որ երրորդ անձնավորության, ապա նրա և գավրանդի միջև, որից հետո գավրանդի բաժինը բաշխվում է գավրանդի և գյուղացիների միջև։ Երբեմն այդ բաշխումը հետևյալ պատկերն է ունենում։ Բերքի 50 տոկոսը վերցնում է կալվածատերը՝ հողի և ջրի դիմաց, 25 տոկոսը գավրանդը՝ անասունների և սերմացուի դիմաց, իսկ մնացած 25 տոկոսն էլ բաժանվում է գյուղացիների միջև, որոնց թիվը լինում է մոտ 4 հոգի։ Ե... Այդպիսի գյուղերում, — գրում է Շեթթեյաթաթ թերթը, — միայն գավրանդի դրությունն է համեմատաբար լավ, իսկ գյուղացիների դրությունը շատ վատ է և միշտ հուսահատ վիճակում են ապրում, քանի որ բացարձակապես ասպղայի նկատմամբ վստահ չեն և միշտ գավրանդի կողմից ենթակա են վտարման...»²։

Թեհրանի շրջանի գյուղացու ընտանիքի միջին եկամուտի մասին դադար կադմելու համար կարելի է բերել հետևյալ օրինակը։ Խտալական Կոմունիստական պարտիայի օրգան «Ունիտա» թերթի հատուկ թղթակից Մաչոկին, 1951 թվականին այցելելով Իրան, գրում է. «Բմ հավաքած տեղեկությունները վկայում են հետևյալը. Շարեղանում (Թեհրանից 20 կիլոմետր հեռավորության վրա) հինգ հոգուց բաղկացած գյուղական ընտանիքը մեկ տարվա աշխատանքի համար ստացել էր 50—55 կիլոգրամ ցորեն, 105 կիլոգրամ գարի և 30 թուման դրամ։ Ընդ որում պետք է նշել, որ տարվա ընթացքում աշխատել էին ընտանիքի բոլոր հինգ անդամները... Մի Խտալացի բժիշկ, որն աշխատում էր Իրանում... պատմեց ինձ, որ... ամսական 150 ուիալ փող վաստակող գյուղացին Իրանում համարվում է երջանիկ, Իրանական գյուղերում այսպիսի ասացվածք կա՝ ուտում ես այնքան, որպեսզի չմեռնես սովից»³։

¹ «بانك مردم», 1953, ապրիլի 24։

² «اطلاعات», 1953, հուլիսի 20։

³ М. Мачокки, Иран в борьбе, Москва, 1953, стр. 112.

Գյուղացու նկատմամբ դաժան վերաբերմունքի և խիստ շահագործման լավագույն ասպացույց է միջնադարյան կոռային աշխատանքի պահպանումն իրանական գյուղում: Բեգարությունն ընդունված է հատկապես Քուրդիստանում, Աղերրաջանում, Խուդիստանում, Ֆարսի որոշ մասերում, Քիրմանում և Արևելյան Իրանում: Գյուղացիներից բեգարային աշխատանքը պահանջվում է տարրեր ձևերով: Քուրդիստանում, որինակ, սահմանված է, որ յուրաքանչյուր ջուֆիի դիմաց գյուղացիները պարտավոր են մի քանի օր բեգարային աշխատանք կատարել կամ ահապաններ տրամադրել: Սանանդաջի մոտ գտնվող Հասանարաֆ գյուղում ամեն մի ջուֆիից պահանջվում է տարեկան 7 օրվա գյուղացու աշխատանք և 4 օրվա էջի աշխատանք: Դա կոչվում է հաֆի նաֆարի (هفت نفری) և չափար օլադի (چار الادی) պարտականություն: Բայի այդ, գյուղացիները պարտավոր են գարնանը հողատիրոջ այգում աշխատել: Յուրաքանչյուր տնից էլ պահանջվում է երկու օրվա ձրի աշխատանք:

Վերը բերած մեր տեղեկություններն ու փաստերը իրանական գյուղացիություն ծայրահեղ շահագործման մասին, չեն սպառում գյուղացու ծանր վիճակի նկարագրությունը: Գյուղացիական լայն մասսաների արյունքրտինքով հղիացող կալվածատերերի, սուրարենդատորների, մուրաշերների, քեզխոդանների և այլ պարագիտների հսկա բանակին պետք է ավելացնել գյուղի առևտրականներին, չարչիներին և հատկապես վաշխատուներին:

Շատ դիպուկ է «Ինտերնաշենալ լեյոոր ուվյու» ժուռնալի գնահատականը. «Վերևում թագավորը և նրա արքունիքը, ներքևում գյուղացիական մասսաները, իսկ նրանց միջև պարագիտների երեք աստիճան՝ առևտրականները, չինոֆիկները և արիստոկրատները...»²

* * *

Այսպիսով, ենթարկվելով տեղական կալվածատերերի ու բուրժուազիայի և օտարերկրյա մոնոպոլիստների կրկնակի շահագործմանը, Իրանի գյուղացիական մասսաները դատապարտված են կիսաքաղց և թշվառ գոյություն քաշ տալու: Բայց իրանական գյուղացիությունը արդեն արթնացել է: Վերջին տասնամյակներում Իրանում ծավալվեց բանվորական և գյուղացիական հզոր շարժում: Ամրացավ բանվոր դասակարգի և գյուղացիության դաշինքը: Իրանի բաղամամլիոն գյուղացիությունը բանվոր դասակարգի և նրա ավանգարդ «Թուդե» պարտիայի առաջնորդությամբ ոտքի է կանգնել ազատություն և հող ձեռք բերելու համար:

¹ «سوی ایله»، 1953, հունվարի 21:

² «International Labour Review», Jan. 1951, vol. LXIII, № 1, էջ 27: